

Broj: 09-11-3-611-5/25
Mostar, 20.05.2025. godine

Na osnovu člana 64. stav (1) tačka b) najniža cijena, 70 stav (1), (2) i (3) Zakona o javnim nabavkama ("Službeni glasnik BiH", broj 39/14, 59/22 i 50/24), na preporuku Stalne komisije za javne nabavke broj 09-11-3-611-4/25 od 19.05.2025. godine u postupku javne nabavke hemijskih proizvoda i referentnih materijala - oznaka i naziv iz JRJN: 24000000-4 – Hemijski proizvodi, ministar Federalnog ministarstva energije, rudarstva i industrije, donosi

ODLUKU

o izboru najpovoljnijeg ponuđača u postupka nabavke hemijskih proizvoda i referentnih materijala - oznaka i naziv iz JRJN: 24000000-4 – Hemijski proizvodi

Član 1.

Prihvata se preporuka Stalne komisije za javne nabavke (u daljem tekstu: Komisija), broj 09-11-3-611-4/25 od 19.05.2025. godine i dodjeljuje se Ugovor za javnu nabavku hemijskih proizvoda i referentnih materijala - oznaka i naziv iz JRJN: 24000000-4 – Hemijski proizvodi ponuđaču „Probus Consulting Engineering Grupa“ d.o.o. Sarajevo, sa sjedištem na adresi Tvornička 3, 71210 Ilidža, a na osnovu ponude od 08.05.2025. godine, za ponuđenu cijenu od 8.967,00 KM bez PDV-a, kao najbolje ocijenjena ponuda.

Član 2.

Prijedlog Ugovora dostavit će se na potpis izabranom ponuđaču „Probus Consulting Engineering Grupa“ d.o.o. Sarajevo, u roku od 10 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijsko - računovodstvene poslove.

Član 4.

Ova odluka objaviti će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke hemijskih proizvoda i referentnih materijala - oznaka i naziv iz JRJN: 24000000-4 – Hemijski proizvodi broj: 09-11-3-611/25 od 14.04.2025. godine.

Javna nabavka je provedena putem Konkurentskog zahtjeva za dostavu ponuda s ciljem zaključivanja Ugovora.

Procijenjena vrijednost javne nabavke bez PDV-a je 11.965,00 KM.

Obavještenje o nabavci broj 1380-7-1-10-3-9/25 poslano je na objavu dana 22.04.2025. godine.

Dana 20.05.2025. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku hemijskih proizvoda i referentnih materijala - oznaka i naziv iz JRJN: 24000000-4 – Hemijski proizvodi.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno dvije ponude;
- da nije bilo neblagovremeno zaprimljenih ponuda;
- da je ponuda ponuđača „Probus Consulting Engineering Grupa“ d.o.o. Sarajevo prihvatljiva, jer ispunjava uslove za kvalifikaciju, propisane tenderskom dokumentacijom.

E-aukcija je zakazana dana 13.05.2025. godine u 12:00 sati.

Nakon provedene e-aukcije, ponuđač „Probus Consulting Engineering Grupa“ d.o.o. Sarajevo je bio prvorangirani po kriteriju najniža cijena, sa cijenom 8.967,00 KM bez PDV-a..

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Probus Consulting Engineering Grupa“ d.o.o. Sarajevo izabran primjenjujući kriterij najniže cijene koja je ponuđena u iznosu od 8.967,00 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona, odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

DOSTAVITI:

„Probus Consulting Engineering Grupa“ d.o.o. Sarajevo

„MIKRO+POLO“ d.o.o. Sarajevo

Službi za finansijsko – računovodstvene poslove

a/a

